



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Militarivm Ordinvm Origines, Statvta, Symbola, Et
Insignia, Iconibus, additis genuinis**

Mennens, Frans

Maceratae, 1623

Leo Caesar Imp. Semper Avgvstvs.

urn:nbn:de:hbz:466:1-10718

LEO EPISCOPVS

MARTIANO

AVGVSTO.

Non possum satis admirari vestram pietatem, & amorem erga Catholicæ Fidei professores (gloriosissime Imperator) summa itaque læticia accepi vestras, & strenui Principis Alexij Angeli litteras, quibus expositis, vt auctoritatem Apostolicam adiungam regulæ Basilij sanctissimæ vitæ Episcopi Cæsareæ, quam præscripsit militibus fratribus Constantinianis, qui Crucis rubræ stigmatibus firmantur à vobis, & ab ipso Principe. Alexio ipsorum fratrum supremo moderatore. Regulam ipsam, & Christianæ, & moralis doctrinæ plenam agnoui, & confirmaui, eamque hisce adiunctam, & mea manu signatam transmittō, vt vestri est desiderij. Illud interim à vobis instanter peto, vt ipsos Milites fratres meo nomine hortemini ne à tanto opere, & vobis obedientiæ, coniugalis Castitatis, & militaris disciplinæ desistant; sed continua vigilantia viuere studeant iuxta dictam regulam, & præcipuè ij, qui in Cœnobijs degunt mulieres nō introducant, à scandalisque caueāt professam vitæ sobrietatem conseruantes; Deus huic optimè incæpto faueat & istum numerum Christianæ Religionis Defensorum augere dignetur, vosque incolumem seruare. Dat. Romæ xij. Kal. Aug. Aëtio, & Studio VV. CC. Cofs.

LEO CAESAR IMP.

SEMPER AVGVSTVS.

Alexio Angelo, & Michaeli eius filio Principibus Ciliciæ, & Macedonia Comitibus Driuaften. nostris amicis, & dilectissimis. Egregium illud facinus, quod iamdiu Progenitores vestri ag-

gressi sunt, dū varios milites in vnum congregare, & sub certa regula moralis, & piæ disciplinæ instituere studuerunt. rubeæque Crucis, & Imperialis labari signo, quo Diuus Constantinus primū vsus est, & de cœlis habuit stigmatibus signarunt, adeo vobis cordi est, vt in ipso tota opera infuderis, non enim contenti estis ipsos aureatos milites, & in castris, & in claustris, & in Dæmonem, & in Hostes visibiles prælia gerere à Sereniss. Marciano prædecesore vestro petistis, vt obtineret à Sanctissimo Romæ, & Vniuersalis Ecclesiæ Episcopo Leone confirmationem illius regulæ, quam dictis fratribus Equitibus statuit Basilij Episcopus Cæsareæ sanctæ, & recolendæ memoriæ, quod quidem libenter ab ipso Romano Patriarcha concessum fuit, vt nobis demonstratis; Modo subiungitis ipsos Milites vestros à quibusdam publicanis asserentibus ipsos non gaudere priuilegijs militum, dum in Castris non militant, molestari, & perturbari; Nos itaque scientes quanto honore digni sint egregij isti fratres, qui ad nutum vestrum nostro Exercitui adesse sunt parati, & nō immemores eorum, quæ à nobili cœtu horum militum, & anterioribus, & præsentibus temporibus strenuè, & fortiter gesta sunt, vobis, & vestris prænominatis Equitibus, seu fratribus Militibus concedimus, & indulgemus, vt non solum extra castra habitantes, sed semper, & vbique locorū perpetuis futuris temporibus gaudeant omnibus priuilegijs, quibus gaudent, & potiuntur cæteri militiam sub vexillis Campestribus militantes; sintque immunes, & exempti, ac liberi à quibuscumque exactionibus, & impositionibus tam regali, quam imperiali, aut quauis alia auctoritate madatis & indictis. Mandantes quibuscumque publicanis, & quæstionibus, vt tali nostræ voluntati adhæreant; Vtque in nostram Augustalem Maiestatem, & Sacrum Imperium vos, & vestri successores promptam, & efficacem operam validius

C exhi-

exhibere possitis, scientes nobilitatem generis vestri, ex quo ortum traxit Diuus Constantinus Cæsar omnium Imperatorum præcessorū nostrorum fortissimus, & sapientissimus, vobis prædictis, Successoribusq; vestris in perpetuum concedimus, & elargimur, vt præfatæ regulatæ militiæ habeas, & magistratum habeatis, & habeant, nemoq; alius quauis auctoritate, & potestate præfulgens, donec vestrum genus vixerit, tales Milites creare, & ipso rubæ Crucis auro circundatæ signo, atque Imperialis labari diuina tessera insignes reddere, & armare possit, pro cuius militiæ regimine, & Imperio vobis, Successoribusq; præfatis facultatem, & auctoritatem concedimus, & impertimur statuendi, & decernendi quascumque leges, edicta, & sanctiones necessarias, & opportunas esse duxeritis; Vtq; amoris nostri in vos propensissimi fructum maiorem cognoscatis, vobis, ipsisque vestris successoribus, qui huic militiæ præerunt facultatē elargimur; & donamus. Comites creandi, maneres, & inæstuosos, spurios, & illegitimos legitimandi, & ab illis omnem genituræ maculam tollendi, ita vt ad paternas, & alias quascumque dignitates, bona, & substantias succedere possint, ac si essent ex legitimo matrimonio procreati. Quicumque autem huius nostri Cæsarei decreti attentare præsumperit, sciat se grauissimæ nostræ, & Imperij indignationis pœnas incursum. Dat. Bizantij vj. Kal. Martij Constantino, & Ruffo VV. CC. Cofs.

Expeditur Andronicus Philoxenus

Imperatorij, & Cæsarei decreti
mandato

Basilus Sabatinus.

A. Præ. N.

ISAACIVS ANGELVS
FOELIX

D. G. I M P. C A E S.
Semper Augustus.

Serenissimo Alexio Angelo Flauio Comneno Filio infanti ex visceribus nostris nato, cæterisque ex prosapia Angela procreandis futuris Imperatoribus sincera gratiæ nostræ, & benedictionis æternæ augmentum.

Eousq; processit imperadi libido, & regnorū auditas, vt peractis tēporibus nefanda scelera, & immanissimæ atrocitates à parētibus, à progenitis, à cōsanguineis in hunc finem emanauerint, atque vtinam cessare iubeat Diuina pietas, & misericordia, quibus moniti exemplis, prudentia nos docet, vt ad ipsa euitanda curam, & quamcumq; adhibeamus industriam. Memores itaque Diuini illius fauoris, quo Christus Romanum Imperium stabiluit, dum salutiferæ Crucis signum Constantino Diuo Cæsari Augusto ex clara progenie nostra, & præcessori maximo commonstrauit, quo assistente innumeræ victoriæ non ipsi tantum, sed cæteris ab inde Imperij successoribus sunt partæ, quo nobiliores exercituum commilitones muniti quasi diuino brachio adiuti, & fortes euasere, & hostium proffigatores apparuere, omnem conatum adhibuimus, vt fortiores Christiani, & nobilissimi Principes, & proceres tali signo armati incederent, & regulas militares subirent nobis enim persuasum semper fuit Imperatorem, cuius sacra purpura à Diuino caractere, & à nobilissimis Viris custoditur, protegitur, & ipsos domesticos habet incolumem, & ab iniurijs, perfidibusq; machinationibus immunem fore, & licet iam paucis mensibus generalia talis Ordinis Conuicia conuocauerimus, regulasq; & iura dederimus, quibus perampla hæc militia gubernari, & augeri possit, non tamen voti nostri